

ODLUKA

**O PRIHVATANJU ZADUŽENJA PO SPORAZUMU DRUGOG
PROGRAMSKOG ZAJMA IZMEĐU BOSNE I HERCEGOVINE I
SVJETSKE BANKE – MEĐUNARODNE BANKE ZA OBNOVU I RAZVOJ
(IBRD) ZA RAZVOJNE POLITIKE POSLOVNOG OKRUŽENJA**

Na osnovu člana 40. stav 5. Zakona o dugu, zaduživanju i garancijama u Federaciji Bosne i Hercegovine ("Službene novine Federacije BiH", br. 86/07, 24/09 i 44/10) Predstavnički dom Parlamenta Federacije Bosne i Hercegovine na _____ sjednici održanoj _____ godine i Dom naroda Parlamenta Federacije Bosne i Hercegovine na _____ sjednici održanoj _____ godine d o n o s i

ODLUKU

O PRIHVATANJU ZADUŽENJA PO SPORAZUMU DRUGOG PROGRAMSKOG ZAJMA IZMEĐU BOSNE I HERCEGOVINE I SVJETSKE BANKE – MEĐUNARODNE BANKE ZA OBNOVU I RAZVOJ (IBRD) ZA RAZVOJNE POLITIKE POSLOVNOG OKRUŽENJA

I.

Prihvata se zaduženje Federacije Bosne i Hercegovine (u daljem tekstu: Federacija), po Sporazumu drugog programskog zajma (u daljem tekstu: Sporazum) između Bosne i Hercegovine (u daljem tekstu: BiH) i Svjetske banke - Međunarodne banke za obnovu i razvoj (u daljem tekstu: IBRD), u iznosu do 30.000.000,00 USD (ekvivalent 22.440.000,00 EUR) što iznosi 60 % od ukupno odobrenih sredstava za Bosnu i Hercegovinu koja iznose 50.000.000,00 USD (ekvivalent 37.400.000,00 EUR) za razvojne politike za poslovno okruženje (Business Environment Development Policy Operation Loan, DPO)

II.

Sredstva Sporazuma iz tačke I. ove Odluke namijenjena su za pružanje podrške budžetima za provođenje reformi unapređenja poslovnog ambijenta u Bosni i Hercegovini putem olakšanja pokretanja poslovnih djelatnosti, pojednostavljivanja investicionih procedura u oblasti inspekcije i gradnje, te pojednostavljivanje procesa prekogranične trgovine.

III.

Sredstva Sporazuma iz tačke I. ove Odluke, odobravaju se Federaciji pod sljedećim uvjetima:

- rok otplate.....25 godina
- grace period:.....10 godina
- pristupna taksa:.....0,25 % godišnje
- kamatna stopa:.....LIBOR (za euro) + varijabilni spread
- dospijeća:.....polugodišnja
- datumi plaćanja glavnice i kamata:15. februar i 15. august svake godine

IV.

Potvrđuje se da je razmatrana dokumentacija prihvatljiva za Federaciju, a posebno:

- Usaglašeni zapisnik s pregovora;
- Sporazum o zajmu između Bosne i Hercegovine i IBRD-a;
- Programski dokument za predloženi programski zajam za razvojnu politiku poslovnog ambijenta.

V.

Daje se saglasnost za zaključivanje Supsidijarnog sporazuma o zajmu između Bosne i Hercegovine i Federacije za sredstva iz tačke I. ove Odluke.

Za potpisivanje Supsidijarnog sporazuma ovlašćuje se federalni ministar finansija - federalni ministar financija.

VI.

Za realizaciju ove Odluke i izvještavanje zadužuje se Federalno ministarstvo finansija - Federalno ministarstvo financija.

VII.

Implementacija Sporazuma iz tačke I. ove Odluke, ne zahtijeva donošenje novih ili izmjenu postojećih zakona.

VIII.

Ova Odluka stupa na snagu narednog dana od dana objavljivanja u "Službenim novinama Federacije BiH".

OBRAZLOŽENJE

Pravni osnov

Pravni osnov za donošenje ove Odluke sadržan je u članu 40. stav 4. Zakona o dugu, zaduživanju i garancijama u Federaciji Bosne i Hercegovine ("Službene novine Federacije BiH", br: 86/07, 24/09 i 44/10), koji propisuje pitanja vanjskog zaduženja Federacije i procedure za zajmove. Izmjenom Zakona o dugu, zaduživanju i garancijama u Federaciji Bosne i Hercegovine („Službene novine Federacije BiH“, broj: 44/10) u članu 40. stav 5. predviđeno je da Vlada Federacije Bosne i Hercegovine nakon prihvatanja Nacrta kreditnog sporazuma i utvrđivanja Prijedloga odluke, istu dostavlja Parlamentu Federacije BiH na usvajanje.

Razlozi za donošenje

Osnovni razlog za donošenje ove Odluke je zaduženje Federacije Bosne i Hercegovine po osnovu Sporazuma o zajmu kod Svjetske banke - Međunarodne banke za obnovu i razvoj (IBRD) za pružanje podrške budžetima za provođenje reformi unapređenja poslovnog ambijenta u Bosni i Hercegovini putem olakšanja pokretanja poslovnih djelatnosti, pojednostavljivanja investicionih procedura u oblasti inspekcije i gradnje, te pojednostavljivanje procesa prekogranične trgovine.

Obrazloženje pojedinih tačaka

Tačka I. je nužna kako bi se prihvatilo zaduženje Bosne i Hercegovine kod Međunarodne banke za obnovu i razvoj (IBRD).

Tačkom II. potvrđuje se namjena utroška sredstava Sporazuma.

Tačkom III. precizirani su uslovi Sporazuma.

Tačkom IV. potvrđuje se da je dokumentacija parafirana tokom pregovora sa Međunarodnom bankom za obnovu i razvoj (IBRD) prihvatljiva za Federaciju BiH, što je uslov da Bosna i Hercegovina i Međunarodna banka za obnovu i razvoj (IBRD) pristupe potpisivanju Sporazuma o zajmu.

Tačkom V. daje se saglasnost za potpisivanje Supsidijarnog sporazuma kao i ovlaštenje federalnom ministru finansija - federalnom ministru financija da u ime Federacije potpiše isti.

Tačkom VI. se za realizaciju ove Odluke zadužuje Federalno ministarstvo finansija - Federalno ministarstvo financija.

Tačkom VII. potvrđuje da za implementaciju Sporazuma o finansiranju nije potrebno donijeti nove ili izmijeniti postojeće zakone.

Tačka VIII. propisuje stupanje na snagu ove Odluke.